



JP "VODOVOD I KANALIZACIJA" d.o.o. GRAČANICA

ul. Skver bb, 75320 Gračanica

Tel/Fax: 035/702 - 007; 706 - 012; 706 - 062; 703 - 114

e-mail: vod.kan@bih.net.ba ; vodovodgracanica@gmail.com

Transakcijski računi:

NLB 132 180 030 973 41 60; ISP 154 200 200 005 44 62; BBI 141 387 532 000 55 18

Broj: 03-175/2020

Datum: 13.04.2020 godine

**JU BKC Gračanica
Radio Gračanica**

Predmet: Obavijest za potrošače

TEKST:

Poštovani korisnici JP "Vodovod I kanalizacija" doo Gračanica!!!

Na osnovu podataka o potrošnji vode u ranijem periodu, kao i tokom proteklog vikenda kada je došlo do ekstremne potrošnje vode, imamo obavezu i potrebu da obavijestimo naše potrošače o sljedećim činjenicama:

- JP "ViK" doo Gračanica je među najuspješnijim preduzećima u Bosni i Hercegovini po pitanju upravljanja gubicima u vodovodnom sistemu, i neprekidno se rade aktivnosti na smanjenju gubitaka i nekontrolisanih curenja. Aktivno upravljanje gubicima u vodovodnom sistemu je veoma važno i na tome se u kontinuitetu radi kako bi se stvorili preduslovi za kvalitetno vodosnabdijevanje;
- Nedostatak padavina tokom zimskog i proljetnog perioda doprinio je da su prirodna izvorišta trenutno na minimumu (*što nije karakteristika za ovaj period godine i što u tridesetogodišnjem praćenju podataka nije zabilježeno*);
- Kontinuiranim aktivnostima na smanjenju gubitaka JP "ViK" doo Gračanica je u određenom pogledu sačuvala rezerve podzemnih voda u bušenim bunarima, što je određena garancija urednog vodosnabdijevanja u ograničenom periodu ukoliko ne bude značajnijih redovnijih padavina;
- Obzirom na neizvjestan naredni period po pitanju padavina i poboljšanja izdašnosti prirodnih izvorišta, u obavezi smo obavijestiti sve potrošače da se pripremamo za scenario ukoliko ne bude značajnijih padavina, da je realna mogućnost da ćemo u ljetnom periodu biti prinuđeni uvoditi redukcije u vodosnabdijevanju, odnosno opciju smanjenja količina isporuke vode;
- Smatramo da uz svo naše angažovanje na racionalnom upravljanju raspoloživim resursima i naši potrošači mogu značajno doprinijeti redovnom vodosnabdijevanju, **koristeći vodu za osnovne potrebe**;
- Ovim putem želimo da apelujemo na građane i privredne subjekte da i pored problema koji nas prate sa Coronavirusom, pokušamo svi zajedno racionalizovati potrošnju vode, i fokusirati potrošnju samo na stvarne osnovne životne potrebe, te na taj način omogućiti nesmetano i redovno vodosnabdijevanje svih potrošača u narednom periodu;
- Ukoliko ovaj naš apel za zajedničku aktivnost na racionalizaciji potrošnje vode ne bude dao rezultata, bit ćemo prinuđeni, u saradnji sa Gradskim strukturama, na uvođenju i dodatnih mjera;
- Obzirom da je situacija i sa većinom izvorišta po ostalim Mjesnim zajednicama takođe nezadovoljavajuća, ovim putem apelujemo i na građane korisnike iz ovih sistema, da vodu koriste racionalno i bez rasipanja na potrebe koje nisu u ovom trenutku od presudne važnosti.



JP „VODOVOD I KANALIZACIJA“ d.o.o.
GRAČANICA